

ղեցին մէկ պայմանով սակայն, եկեղեցիին դուռները և պատուհանները քարով կը փակեմ և ներսը նշան մը կը դնեմ ու կը կնքեմ. մինչև որ Դամասկոսէն վերադառնամ և դրած նշանս նոյնը գտնեմ, այն առտեն միայն Մար Եաղուպ եկեղեցին ձեզի կուտամ: Եւ ըսածին պէս ալ ըրաւ, ու զնաց վառ թողլով աւագ խորանին կանթեղը, առանց մէկու մը բան մը ըսելու: Իսկ մերինները անձար մնալով եկեղեցիին գաւիթին մէջ՝ պատին վրայ Ս. Գէորգի անունով պատուհան մը շինեցին և հոն կ'աղօթէին և Ս. պատարագ կը մատուցանէին: Եօթը տարի յետոյ Սալաէտտին վերադարձաւ ու անոր յիշեցուցին եկեղեցին բանալու իր խոստումը: Սուլթանը բանալով եկեղեցիին դուռը՝ տեսաւ որ աւագ խորանին կանթեղը տակաւին կը վառէր ու վրան ալ սարգի ոստայն շրջապատած էր: Այն ատեն Սալաէտտին եկեղեցին Հայոց պարզելեց ըսելով որ առանց Աստուծոյ կամքին չէ որ եկեղեցին Հայոց ձեռքը կը մնայ: Ս. Յակոբեանց վանքը Հայոց սեպհականութիւն դարձնելով՝ վանքին արտաքին դրան վրայ զրեց արարերէն անէծք մը, իրենց օրէնքին համաձայն, թէ «Մի ոք առցէ զսա ի ձեռաց Հայոց, և կայ մինչև ցայսօր ժամանակի(\*)» (Հան. էջ 287—289):

Զուար Ճիլէրճի օղլու քահանան 1711—12ին, իր ճանապարհորդութեան մէջ կը յիշատակէ հետեւեալ աւանդութիւնը. «...Եւ միւս կողմն կոչնակին՝ սի-

(\*) Այս արարերէն արձանագրութիւնը որ մինչեւ հիմակ գոյութիւն ունի Ս. Յակոբի արտաքին դրան վրայ, Սալաէսինը չէ որ գրել տուած է, այլ Եգիպտոսի Սուլթան Մէլիփ Զահր Զախմախ (1438—1453), Երուսաղէմի Հայոց պատրիարք՝ Մարտիրոս Եգիպտացիին օրով (Մ. Ա. Ե. էջ 267):